

ՅՈՎԱԿ ՍՏԵՓԱՆԵԱՆ

Անդրանիկը Միւնեաց Երկրում

է.

ՂԱՐԱԲԱՂԻ ԽՆԴԻՐԸ

Բուն Զանգեզուրի շրջանի կարգապահութիւնը, որ Անդրանիկի հեռանալուց յետոյ խանդարւած էր, կրկին վերականգնուում էր: Ղափանի ներկայացուցիչները հաստատեցին, թէ տակաւին Մեղրիումն են գտնուում հարւածող զօրամասից անջատւած երրորդ գումարտակի հրամանատար բժիշկ Բօնապարտեանը եւ ձիաւորների հարիւրեակի հրամանատար Զէքէջին իրենց տղաներով: Բարեբախտաբար, Մեղրիի շրջանն էլ անձնատուր չէր եղել, չնայած որ թիւրքերը քանիցս դիմել էին: Մի անգամ նոյն իսկ տաճիկները ցանկացել էին խաբել հայերին եւ առաջարկել էին բանալ Օրդուբատից դէպի Զանգիւլան տանող ճանապարհը, սակայն, հայերը իբր պատասխան այդ առաջարկին, ուղարկել էին մի փամփուշտ:

Հոկտ. 19-ին արդէն բաւարար ուժերով գրաւած ենք ինքնապաշտպանութեոն կարեւոր կէտերը. ուտեստը նոյնպէս կանոնաւորւած է, իսկ պահեստի ուժերը ենթադրածից աւելի չափ են: Անդրանիկը այդ օրը անձամբ մեկնեց Քարաչէն գիւղը, ուր պահեստի ուժերն էին կենտրոնացած:

Քարաչէնը, աշուղների այդ պատմական գիւղը, Գորիս - Տեղ խճուղուց քիչ հեռու է ընկած, ձորի մէջ. գիւղի տների մեծ մասը քարաչէն է, կան եւ այնպիսիները, որոնք պատ չունին, ուղղակի լեռան ծոցի մէջ բացւած ծակեր են, որոնք վերածւել են տների. մի տեսակ քարանձաւներ: Այդպիսի չափ տներ կան եւ Հին Գորիսում: Ճակատների բոլոր գիւղերը հեռախօսով միացած են Գորիսի հետ, որ, այսպէս ասած, ռադիական գերազոյն կայանն է: Գորիսից այդ օրը Արշակ Շիրինեանը հեռախօսով յայտնեց Անդրանիկին, թէ Դաշնակիցները գրաւել են Զաթալջան, ապա Երեւանից Գորիս է գալիս

գլխապետ Պ.-ն, իսկ Սիսիանից թուրքերը անակնկալ կերպով հեռանում են...

Քարաշէնում կաղմւեցին պահեստի Ա., Բ. եւ Գ. վաշտերը: Անդրանիկը մեկնեց Տեղ գիւղը: Խճուղուց երեւում է մի խոր ձոր ոչ շատ հեռւում՝ Ջարուղը, ապա պարզ երեւում է Մարքիզ սարը, որ իշխում է չրջակայքի վրա. երեւում է եւ Հաղարուի ձորը, Մարքիզի միւս կողմում: Բարձրութեան վրա երեւում է խճուղին, որ տանում է դէպի Ղարաղլայ գիւղը: Երեւում են լեռները եւ վանքը, իսկ հարաւում փռւած են Ջանգելանի դաշտն ու պատմական Փայտակարն - Ղարադաղի լեռները, Արաքսի աջ ափին, Պարսկաստանում:

Տեղն էլ ձորի մէջ է. տները նոյն տեսակ են շինւած, ինչպէս եւ Քարաշէնում. փողոցները՝ ցեխոտ, ջուրը՝ սակաւ: Գլխապետ Պ. ներկայացաւ եւ հաստատեց Շիրինեանի հաղորդածները: Բայց որքան քաղաքական արտաքին լուրերը սրտապնդիչ էին, նոյնքան ցաւալի էին տեղական ներքին հաղորդագրութիւնները: Գողթն գաւառի Բիստ, Նասրվան, Փարակա եւ Ռամիս գիւղերից բացի՝ չրջանի միւս հայկական գիւղերը ընդունել էին տաճիկների իշխանութիւնը, զինաթափ էին եղել եւ վատ վիճակումն էին: Թիւրքերը պաշարել էին գիւղերը եւ պահանջում էին տուգանք, պարէն, աղջիկ եւ այլն: Օրդուբադում նստող Խալիլ պէյր 87,000 ուլբի տուգանք էր դրել Յընայի վրա, որից 65,000 ստացել էր դոհարեղէններով եւ այլն, որ Ագուլիսն էր յանձնել. նմանապէս թշնամուն էին յանձնել հրացանները, փամփուշտները եւ ատրճանակները:

Հոկտ. 21-ին Ղարաբաղից կարեւոր լուրեր հասան: Խճաբերդ գիւղից երեք սուրհանդակներ եկան, որոնք գրութիւն էին բերել Դիլակի չրջանի հրամանատար Արտեմ Լալայեանից: Ըստ այդ գրութեան՝ Շուշին անձնատուր էր եղել տաճիկներին առանց մի զենակ արձակելու. քաղաք էին մտել տաճիկական եւ թրքական միացեալ ուժերը, 1500 զինուոր, 4 թնդանթ եւ 12 զնդացի: Ղարաբաղի գիւղերը չեն ենթարկւել տաճիկներին եւ ձարտար գիւղի չրջանում կռիւ կայ:

Երկու օրից յետոյ հասան նոր սուրհանդակներ. Շուշուց բացի՝ բոլոր չրջանները՝ Դիլակ, Վարանդա, Խաչեն, Ջրաբերդ եւ Լեռնային Գանձակն ու Գարտմանը չէին ենթարկւել տաճիկներին: Գնացինք Կոռինձոր սահմանային քաջարի գիւղը, ուր գալիս էին Խճաբերդի վրայով Ղարաբաղի սուրհանդակները. գիւղը շատ էլ մեծ չէ, գտնւում է ձորի մէջ, բաղկացած 120 տնից: Այդտեղից անցանք Խընձորեակ. ճանապարհը բաց դաշտի միջով է. հայաբնակ չրջանը

Թուրքաբնակ մասից բաժանուում է մի ձորով, որից դէնը երեւում են Թրքական դիրքերը :

Անձորեակի ծայրում, հարաւ — արեւելեան կողմը, մի մատուռի մօտ, գտնուում է մի համեստ գերեզմանաքար, որի վրա պարզ գրւած է՝ Մխիթար սպարապետ Գանձակեցի : Անդրանիկը եւ մի քանի սպաներ ու պաշտօնեաներ միասին դիմեցինք դէպի քաջարի նահատակի օթեւանը, ուր մի քահանայ օրհնեց սպարապետի մամուսպատ գերեզմանը, որ 1729 թւից ի վեր անխօս քարոզիչ է հայրենասիրութեան եւ վեհ քաջութեան...

Հոկտ. 26-ին հեռախօսը ձայնեց Տեղ գիւղից, թէ Ղարաբաղից նոր սուրհանդակներ են հասել : Երկու ժամից յետոյ նրանք արդէն Գորիսումն էին : Մէկը Հարար գիւղացի մի առնական ծերուկ էր, որ Ղարաբաղի բարբառով համով — հոտով պատմում էր, թէ ինչպէս Ղարաբաղի շրջանները չեն ենթարկւել Օսմանլուին եւ թէ ամենքը փափագում են, որ Անդրանիկ փաշան ոտք դնի Ղարաբաղ : Երբ Անդրանիկը հարցրեց, թէ ի՞նչ կուղէ իբր վարձատրութիւն իւր վտանգաւոր ճամբորդութեան համար, նա պարզօրէն պատասխանեց. «Մի հատ մօսին, եթէ աղան (Անդրանիկը) կախենայ» :

Այդ պատկառելի ծերունին նամակների փոխարէն հանդարտօրէն մեկնեց իր ձեռքի գաւազանը, առանց մի խօսք ասելու : Եղիշէ Քաջունին անմիջապէս քանդեց գաւազանի ծայրը եւ միջից հանեց նամակները, որոնք շատ կարեւոր էին : Վարանդայի հրամանատար Սոկրատ Բէկը հաղորդում էր Անդրանիկին, թէ տաճիկները ինչպէս մտան Շուշի, իսկ «շրջանը զինաթափ չեղաւ, Վերին ու Ներքին ձորտար գիւղերը մերժեցին տաճիկների վերջնադիրը, որից յետոյ Շուշուց 400 զինւորներ 4 թնդանօթով եւ 6 զնդացիւրով յարձակեցին այդ շրջանի վրա, բայց բոլորն էլ ընկան կաղմակերպւած ծուղակի մէջ, կոտորւեցին, գերւեցին, եղան եւ փախչողներ. թնդանօթներն էլ, ինչպէս եւ զնդացիւրները ընկել են հայերի ձեռքը, միայն փչացած վիճակում» :

Սոկրատ Բէկը յայտնում էր նոյնպէս, որ ընդհանուր Ղարաբաղը վճռած է կուել մինչեւ վերջ եւ այդ նպատակով արդէն կաղմակերպւած են շրջանների հրամանատարութիւնները, որոնք կարող են հանել մինչեւ 15,000 զինւած մարտիկներ, միայն թէ զօրավար Անդրանիկը շարժւի դէպի Շուշի :

Գաւազանի միջից դուրս եկաւ եւ մի գրութիւն, ուղղուած Դիլիսի հրամանատար Արտեմ Լալայեանից զօրավար Անդրանիկին, ու

րով հրաւիրում էր գալ իր շրջանը եւ խոստանում էր ամէն ինչ հայ-
թայթել:

Այսպիսով ուրեմն արշաւանքը դէպի Ղարաբաղ օրերի խնդիր էր
դառնում: Բայց պարզ երեւում էր, որ Անդրանիկը այնքան էլ չի
շտապում դէպի Ղարաբաղ. նախկին հայդուկը այժմ՝ զգուշաւոր զօ-
րավար էր դարձել. բացի դրանից նա մի գաղտնի ատելութիւն էր
տածում դէպի զարաբաղիները ա՛յն չարաբաստիկ օրից ի վեր, երբ
էրգրումի տակ մի խումբ զարաբաղցի զինուորներ, վարակելով ի-
րենց ուսւ ընկերներին, «դէպի տուն» էին գոռացել եւ Անդրանիկի
մարտակոչերին պատասխանել էին մի համաղարկով, թէպէտ օդի
մէջ, բայց ուղղած դէպի Սասնոյ հերոսը...

Ա. Շիրինեանի եւ ուրիշների յորդորներով, Անդրանիկը վերջ ի
վերջոյ, տեղի տւեց եւ սկսեց պատրաստել արշաւանքի: Կարգա-
դրեց, որ Սիսիանից Գորիս փոխադրւեն Շուշու վաշտը եւ զնդապե-
տը: Զօրքերը կեդրոնացան Գորիսում՝ կազմակերպելու համար փա-
ռաւոր արշաւանք դէպի Ղարաբաղի մայրաքաղաքը: Չնայած ստեղ-
ծւած խանդավառ մթնոլորտին, Անդրանիկը այնուամենայնիւ տա-
տանւում ու ձգձգում էր, որ ուրիշ դէպքում բնաւ յատուկ չէր նրան:
Զօրամասի բոլոր վաշտապետները գրաւոր դիմում արին Անդրանի-
կին, որ անյապաղ արշաւէ դէպի Ղարաբաղ, բայց նա շարունակում
էր ձգձգել: Անդրանիկը երկու կէտի պատասխան էր ուղղւում գրա-
ւոր կերպով: 1) Վստահ լինել, թէ ամբողջ Ղարաբաղի հայ ազգա-
բնակչութեան ցանկութիւնն է, որ Անդրանիկը Զանգեզուրից օգնու-
թեան երթայ Ղարաբաղի ժողովրդին: 2) Արդեօք Զանգեզուրի ժողո-
վուրդը ուզո՞ւմ է ամէն միջոցներով, մարդով, ռազմամթերքով ու
գրաստներով օգնութեան երթալ Ղարաբաղին: Ի զուր համոզում էին
նրան, թէ արդէն այդ երկու կէտերի պատասխանները ձեռքի տակ
ունի գրաւոր, քանի որ Սոկրատ Բէկի եւ Արտէմ Լալայեանի նամակ-
ները պարզ արտայայտում են Ղարաբաղի զինւած ժողովրդի կամքը:
Նմանապէս, Անդրանիկի համար լոյսի պէս պարզ էր, որ Զանգեզուրի
համայն հայ ժողովուրդը ջերմօրէն ցանկանում է, որ այդ արշաւան-
քը սկսւի ողբան կարելի է շուտ: Ազգային Խորհուրդն էլ նոյն տե-
սակէտն էր պաշտպանում եւ յորդորում էր օր առաջ սկսել արշաւան-
քը. յապաղումը կարող է ճակատագրական հետեւանք ունենալ: Այդ-
մասին կան կենդանի վկաներ, ինչպէս՝ Ազգային Խորհուրդի նախա-
գահ բժ. Միքայէլ Պարոնեանը, Անդրանիկի զօրամասի բժիշկ Ռու-
բէն Տէր - Ստեփանեանը եւ անձնական քարտուղար Եղիշէ Քաջունին:

Կամակոր Անդրանիկը գրեց Ղարաբաղ, որպէսզի նման կարեւոր

եւ պատասխանատու քայլի համար արտայայտել ժողովուրդը իր ներկայացուցիչների միջոցով եւ հրաւերն անհատական բնոյթ չկրէ։ Տեղի ունեցաւ եւ Զանգեզուրի համագումարը, որ, ի հարկէ, որոշեց ամէն կերպ օգնութեան հասնել Ղարաբաղին։

Հոկտ. 31-ին Զանգեզուրի Համագումարի որոշումները եւ այլ կարեւոր հրահանգներ ու տեղեկութիւններ գրեցին կտաւի վրա, որ կարեւց հաղուստի մէջ, որպէսզի սուրհանդակները տանեն Ղարաբաղ։ Օրէց – օր Շուշուց եկողների թիւը շատանում էր։ Տեղ գիւղից հաղորդում էին, թէ 13 հոգի զանգեզուրցիներ են հասել ափսոսել, Գորիս գալու համար։

Նոյեմբ. 1-ին Շուշուց դուրս եկած զանգեզուրցիները Գորիս հասան եւ հաղորդեցին, թէ Պոլիսը գրաւած է, եւ Գերմանիան էլ զինաթափ է եղել։ Տաճիկների կորուստները Ղարաբաղում, Մամաչի ձորում, իրական են։ Շուշում ձերբակալւած են կարեւոր գործիչները եւ բանտն են նետւած։ Տաճիկների տրամադրութիւնը խիստ ընկած է. Թիֆլիզից Շուշի փոստն աշխատում է, բայց տաճիկները վերջին փոստի թերթերը հայերին չեն յանձնել։

Երեւանից էլ այդ օրը նամակ ստացւեց, ըստ որի Խալիլ փաշան յետ է կանչել Գանձակում գտնուող Նուրի փաշային. միւս կողմից էլ Վրաստանը վերջնադրով պահանջում է Հայաստանից՝ մինչեւ Շահալի յանձնել իրեն...

Նոյ. 8-ին պատահաբար Երեւանից եկող մի Սիւսիանցի նամակներ եւ տեղեկութիւններ է բերում. յայտնի դարձաւ մեզ համար, որ տաճիկական դահլիճը Պոլսում ընկել է եւ Տաճկաստանը զինադադար է կնքել։

Բանից դուրս եկաւ, որ Դաշնակից ներկայացուցիչները արդէն Վլադիկավկազ են հասել եւ ափսոսելից շուտով կը դնան Թիֆլիզ։ Գերմանական զօրքերը սկսել են հեռանալ Վրաստանից. իբր թէ Ռուսաստանը չի ճանաչել Բրեստ – Լիտովսկի դաշնագիրը եւ եօթ օր միջոց է տւել տաճիկներին քաշելու մինչեւ 1914 թւի սահմանները...

Նոյ. 9-ը սգի օր էր ամենքիս համար. տեղի ունեցաւ Ոսկան Ստեփանեանի թաղումը։ Քեմալս գաւառի Բազառիճ գիւղացի, Ռումանիայից եկած մի կամաւոր, համակրելի եւ շատ եռանդուն երիտասարդ, որ իր անուշ բնավորութեան շնորհիւ սիրւած էր զինակիցների կողմից։ Գնդացիը – զօրամասի հրամանատարներից մէկն էր եւ Սիւսիանումն էր գործում, ուր խիստ մրսեց եւ ծանր հիւանդ վիճակում եկաւ Գորիս։ Այստեղ թէպէտ բժշկական օգնութիւն հասցըրին, բայց արդէն ուշ էր. անողոք հիւանդութիւնը խեց Ոսկանի ծա-

ղիկ կեանքը: Դէպի Ղարաբաղ կատարւելիք մեծ արշաւանքի մեր անդերանիկ զոհն էր: Այդ օրը եկեղեցում եւ գերեզմանատանը ասեղ ձգւում տեղ չկար...

Նոյեմբ. 11-ն է, սակայն լուրերը Ղարաբաղից ուշանում են: Պարզւեց, որ տակաւին ծերուկ սուրհանդակը նստած է Կոռինձորում, որովհետեւ Հազարուի ձորի խիտ մշուշը արգելք էր հանդիսացել ճամբայ ընկնելու: Անհամբեր են բոլոր շուշեցի սպաները, խմբապետներն ու զինւորները. բոլորի ցանկութիւնն է օր առաջ հասնել օգնութեան Ղարաբաղին, որ կուսխնձոր էր դառնալու Հայաստանի եւ Ադրբեյջանի միջեւ: Մեր հայրենակիցներից խմբապետ Աղաջանը եւ տեղակալ Արշակ Բալասանեանը յանձն առին անցնելու Ղարաբաղ իբր սուրհանդակներ:

Նոյեմբ. 15. սպասողական վիճակը ջղայնացնում է Անդրանիկին էլ, եւ նա այդ օրը կազմակերպեց արհեստական տագնապ. իբր թէ լուր է ստացւել, որ տաճիկները առաջանում են Ղարաղլաղի կողմից դէպի Տեղ գլուղը: Անդրանիկը հրաման է արձակում, որ տասը ընկերներ բոլոր զորամասերը թողնեն Գորիսը եւ կազմ ու պատրաստ մեկնեն Տեղ: Զօրքը շտապում է կատարել հրամանը, իսկ Ժողովուրդը մնացել է շարած եւ չի իմանում, թէ ինչ անակնկալ է այդ: Զօրամասը իր բոլոր հրամանատարներով, ղեկավարութեամբ Անդրանիկի, անմիջապէս քաղաքից աճապարեց դէպի Տեղ եւ մի քիչ յետոյ երգ ու տաղով վերադարձաւ Գորիս: Ամենքը ուրախացան եւ հասկացան բանի էությունը:

Նոյեմբ 16-ը դարձաւ բնական տագնապի օր. խնձորեակ գլուղում բանակ դրած հեծելազօրի երրորդ հարիւրեակի խմբապետը 10 ձիաւորով հետախուզութեան էր գուրս եկել դէպի Թրքական դիրքերը. թուրքերը յարձակւել էին ձիաւորների վրա, եւ կռիւ էր սկսւել, որի հետեւանքով Կոռինձորից հեծելազօրի երկրորդ հարիւրեակը եւ զօրքի երկրորդ վաշտի մի մասը դիմել էին կռիւ վայր: Այս լուրը չափազանցւած ձեւով հասաւ Գորիս, եւ Անդրանիկն անմիջապէս օժանդակ ուժեր ուղարկեց խնձորեակ: Դրութիւնը շուտով պարզւեց, երբ արդէն կռիւն դադարած էր:

Նոյեմբ. 21-ին, վերջապէս, լուր հասաւ, որ Ղարաբաղ գնացածները վերադարձել են, միայն այնտեղ մնացել է տեղակալ Արշակը: Սուրհանդակները գրաւոր հրաւերներ են բերել Ղարաբաղ արշաւելու. թղթերը ստորագրել են իմամայի մելիքների յաջորդները՝ զինւորական մեծ ու փոքր խմբապետ - հրամանատարները, բայց Անդրանիկը գրութիւնների մէջ որոշ հակասութիւն գտաւ. մէկ գրութեան մէջ

ցանկութիւն է յայտնուում, որ Անդրանիկն անմիջապէս շարժւի դէպի Ղարաբաղ. իսկ միւսով, արիւնահեղութիւնից խուսափելու համար, խնդրուում է տասն օրով յետաձգել արշաւանքը: Նկատի ունենալով Վարանդայի (մեծ չրջանի) հրամանատար Սեկրատ Բէկ Մելիք - Շահնազարեանի արաջարկութիւնը 10 օրով յետաձգելու արշաւանքը, որպէսզի նա քաղաքադիտօրէն գրաւէ Շուշին, ապա հրաւիրէ փաշային գալու Ղարաբաղի մայրաքաղաքը, առանց արիւնահեղութեան, Անդրանիկը յարմար դատեց յետաձգելու գործողութիւնները տասն օրով: Իրան բացարձակապէս դէմ էին Ղարաբաղցի սպաները:

Նոյեմբ. 27-ն է. տասն օրւայ պայմանաժամից արդէն 9 օր է անցել, բայց լուր չկայ Ղարաբաղից, եւ չգիտենք, թէ խաղաղ բանակցութեան ճամբով խնդիրն ի՞նչ եղբակացութեան է հասցրել Սոկրատ Բէկը: Անհրաժեշտ է կենտրոնացնել զօրամասերը Տեղ գիւղում, որ վերջին կայանն է. պայմանաժամը լրանալուն պէս, ալդտեղից առաջ կը շարժեն մեր զօրքերը: Անդրանիկի եւ նրան ենթակայ զօրամասերի մեկնումը Գորիսից հրաժեշտի բնոյթ էր կրում. Գորիսի Հայ Կանանց Միութիւնը գործել էր կարմիր մետաքսից մի դրօշակ, ոսկեթել բանաձրով, «Հայկական Առանձին Հարաձող Զօրամաս» վերտառութեամբ: Գորիսից դուրս գալուց առաջ կատարեց դրօշակի օրհնութեան եւ նւիրման արարողութիւնը: Տեսարանը խիստ յուզիչ էր. Գորիսի հրապարակում բոլորեաժ է զօրամասի քաջարի հեծելազունները, շրջապատուած ժողովրդի խուռն բազմութեամբ. մի անկիւնում դրւած է սեղանը. գալիս է հերոս Անդրանիկը, հաւաքուում են եկեղեցական դասը, Աղբային Խորհրդի անդամները եւ բոլոր աստիճանաւորները: Հանդիսաւոր կերպով բերում են դրօշակը՝ կարմիր, ոսկեթել ծոպերով եւ վերտառութիւնով: Պատշաճաւոր արարողութիւնից յետոյ՝ Կանանց Միութեան ներկայացուցիչը դրօշակը ներկայացնում է Անդրանիկին մի հակիրճ ճառով՝ յայտնելով նրան երախտագիտութիւն եւ մաղթելով կատարեալ յաջողութիւն: Անդրանիկը զգացած եւ խորիտ ձայնով իր շնորհակալութիւնն է յայտնում: Նա ասում է՝ «Մինչեւ հիմա շատ դրօշակներ նւիրեաժ են, որոնք բոլորն ալ նշան եղած են արիւնի, աւերի, ջարդի եւ դժբախտութեանց: Կը մաղթեմ որ այս դրօշակը լինի վերջինը եւ բերէ յաջողութիւն ու խաղաղութիւն: Կոչ կընեմ բոլոր հայերուն, մասնաւորապէս զանգեղուրցիին՝ լինել արի, պաշտպանել իր իրաւունքը եւ կռուել ազգի ազատագրութեան ու իր կեանքի, պատւի ու ինչքի պաշտպանութեան համար: Ահա՛ միակ ուղին ամէն մի պարտաճանաչ հայու. կեցցե՛ն այդ պարտաճանաչ կռուողները»:

Հուռռանքով եւ որոտընդոստ ծափահարութիւններով ժողո-

վուրդը ճանապարհ դրեց սիրած հերոսին, որ իր հեծելազորքով սրենթաց յառաջացաւ դէպի խճուղին՝ առջեւից ծածանեցնելով նոր ստացած կարմիր դրօշակը...

Մուլին ընկել էր արդէն, երբ հասանք Տեղ մեծ դիւղը, որի գրեթէ բոլոր տներն ու մարազները լեցուն էին արշաւանքին մասնակցող զինւորներով: Զորս հարիւր դարաբաղցիներից եւ դանձակեցիներից բաղկացած զօրամասն էլ տեղաւորւեց խճուղուն վից երեք չորս մարազներում:

Ը.

ԴԵՊԻ ՂԱՐԱԲԱՂ

Նոյեմբ. 28-ին տիրում է եռ ու զեռը: Անդրանիկը դադար չունի. ամբողջ ժամանակ կարգադրութիւններ է անում, դասաւորում է, հրահանգներ տալիս, ջղաճնացած սրան - նրան է ծեծում, անգամ անւանի մարդկանց, ինչպէս, օրինակ, հանգուցեալ Արշակ Շիրինեանին, Գեղէոն Տէր - Մինասեանին, Սահակ Հայրապետեանին եւ մանր - մունր շատ կոմիսարներին...

Դէպի Շուշի արշաւանքը մի խոշոր պատմական դրւագ է, մի վրսեմ ձեռնարկ, որի համար զօրամասի միջոցները բաւարար չեն, հետեւապէս դանդաղուրցին պէտք է օժանդակէ ոչ թէ միայն մարդկանցով, այլ եւ զրաստներով, հացով, գարիով, դարմանով եւ այլն: Զը նայած, որ Զանգեզուրի Համադումարը որոշել էր միաձայն կերպով այդ բոլորը սիրով ու անխռով տրամադրել, սակայն իրականացման ճամբին շատերն էին դանդաղում, ձգձգում. ահա այդ վայրկեաններին էր, որ ահաւոր էր դառնում Անդրանիկի դայրոյթը եւ նրա հզօր կամքը ծեծի եւ բռնութեան միջոցով էր ի կատար ածում ժողովրդի դրաւոր որոշումները:

Նոյեմբ. 29-ին, առաւօտեան շատ վաղ, ժամը 3-ին արդէն ամէն ոք կազմ ու պատրաստ է. զօրամասերը լուռ ու հանդարտ առաջ են շարժւում, որպէսզի աննկատելի կերպով անցնեն Զաքուղի եւ ապա Հազարի ձորերը, խուսափեն աւելորդ ընդհարումներից եւ շուտ դրաւեն իշխող բարձունքը՝ Մարքիզ սարը, որ կարող է մեծապէս խանգարել զօրամասի առաջխաղացումը:

Նախընթաց օրը Անդրանիկն ինձ նշանակել էր պահեստի զօրամասի պետ, տւել էր ինձ Շուշու եւ Գանձակի վաչտերը, ծանր երկու թնդանօթների հետ միասին: Այդպէս էր արել, ինչպէս կատարելով նկատում էր, որ «ոչ եւ առողջ զարաբաղցի տղաներով մուրա-

ղի հասցնէ», սակայն այդ հանգամանքը չխանգարեց, որ Զարուղի գլխին հրահանդ դար առաջ անցնելու եւ մտնելու ձորը՝ թնդանոթներով հանդերձ: Չնայած որ այդ ռազմական սխալ էր՝ պահեստի զօրքը եւ թնդանոթները դնել առաջին գծի վրա, բայց չէր կարելի չկատարել հրահանդը, եւ ես անյապաղ խճուղու երկու կողմերն էլ գրաւեցի ինձ ենթակայ զինուորներով, իսկ թնդանոթներից մէկը իջեցրի խճուղու մի յարմար տեղը՝ միւսը պահելով ձորի գլխին, անակնկալի չենթարկելու համար: Թշնամուն հանդիպեցինք հէնց Զարուղ գիւղում, որ թեթեւ հրացանաձգութիւնից յետոյ տեղի տւաւ: Հազարի թարժունքները իշխում էին մեզ վրա, եւ Քեարաւուղի բարձրադիր դիրքերից թշնամին անդադար հարձածում էր մեզ: Մենք էլ սկսեցինք նեղել նրան մեր թնդանոթների ծանր ուռմբերով, սակայն թշնամին մնում էր անսասան իր բարձունքներում, իսկ մենք ձորումն էինք մնացել: Թշնամին անպատիժ չէր կարող իջնել, մենք էլ չէինք կարողանում բարձրանալ օրը ցերեկով, որովհետեւ թշնամու անշեղ կրակը սպառնում էր հնձել մեր շարքերը: Իմ օգնականներին հարկ եղած ռազմական հրահանգները տալուց յետոյ, ես բարձր համարեցի յետ գնալ ու դրութեան մասին անձամբ ղեկուցանել Անդրանիկին, որ Զարուղի ձորում, ճանապարհից ոչ շատ հեռու, մի ցլած ապառաժի մօտ վրան էր զարկել. մինչեւ այժմ էլ այդ ապառաժը կոչւում է «Անդրանիկի քար»:

Որհնդակցութիւնից յետոյ, Անդրանիկի հետ, ձիերով անցանք դէպի առաջաւոր դիրքերը: Քեարաւուղի բարձունքից թշնամին անմիջապէս նկատեց մեր փոքրիկ հեծելազունդը եւ բռնեց հրացանաձգութեան ենթարկեց. մանաւանդ Անդրանիկի ուղղութեամբ զնդակները տեղում էին կարկուտի պէս: Մեր «պահեստի» զինուորները իրենց դիրքերից եռանդով կրակ բաց արին թշնամու վրա, ներքեւից վերեւ, եւ մի քանի շեշտակի համազարկներով ու թնդանոթային ուժգին կրակով թշնամու թափը կտրեցին:

Հազարու ձորի միւս կողմում ճանապարհը բարձրանալով անցնում է Ղարաղշլաղ հայկական աւերած գիւղի միջով, ապա Թթու - Զուրի (Լիսագորսկ) վրայով մտնում է Շուշի քաղաքը: Մարքիզ դադաթը ցլած է Զարուղ եւ Հազարի գետերի խառնարանում եւ իշխում է երկու ձորերի վրա, ուրեմն ցերեկով գրեթէ անհնար է դրաւել, իսկ գիշերն էլ անակնկալների կարելի է ենթարկել: Զարուղի ձորն էլ դէպի հիւսիս երկարում է մինչեւ Մինքենդի թրքական լեռնային շրջանները, իսկ Հազարի ձորը դէպի վեր դնում է մինչեւ Հաջի - Սամլուի, թաթար - քրդական շրջանի ձիւնապատ լեռները: Զարուղ

եւ Հագար գետերը միախառնելով իջնում են դէպի հարաւ եւ թափւում Արաքսի մէջ, Կարեագինի թրքական շրջանում: Վերոյիշեալ ձորերի խորշերում պարփակւած են 20-ից աւելի թրքական գիւղեր՝ Աւդալլար, Մէրքիզ, Ղալջա, Սուլթանքենդ, Մալիբէկլու, Սուս, Թաթդարասի, Ձէյվա, Սիւմիւքլու, Նաւրուզլու, Չայքենդ...

Աւագակարարոյ թուրքեր են այդ գիւղերի բնակիչները, որոնք ուսական յեղափոխութիւնից յետոյ աւելի սանձարձակ էին դարձել. փակել էին Գորիսից Շուշի տանող խճուղին եւ պատուհասել շատ անգամ տուն վերադարձող զինուորներին, կողոպտելով ու սպանելով նրանց: Այդ ձորերումն էին սպանւել 217 դարաբաղցի դասակից զինուորները, որոնց ոսկորները թափթփւած տեսանք այդտեղ: Իսկ ամբողջ, երբ տաճկահայ գաղթականութեան մի մասը, վստահացած թուրքերի թոյլտուութեան, փորձեց անցնել Շուշի, Ջաբուղի ձորից յետոյ իր առջեւ դռաւ Հագարի կամուրջը փակւած եւ ընկաւ երկու կրակի մէջ, եւ կռւելով ու մեծ կորուստներ տալով՝ հազիւ կարողացաւ նահանջել եւ հասնել Տեղ գիւղը: Նմանապէս այդ շրջանի գիւղերն էին, որ երկու ամիս առաջ, քոչուր թուրքերի օգնութեամբ, յարձակեցին հայկական Ղարաղլաղ գիւղի վրա եւ աւերեցին: Նըրանք էին դարձեալ, որ փերձեցին Կոռինձորի եւ Խանածախի ուղղութեամբ արշաւել դէպի Ջանգեզուր: Մի շարք յաջողութիւններից յետոյ, մանաւանդ երբ տաճիկները գրաւեցին Շուշին, այդ ձորերի թուրքերը շատ էին երես առել. նրանք մնայուն պահակներ ունէին Մարքիզի գագաթին, որտեղից եւ սկսեցին կրակել մեր զօրամասերի վրա:

Զիգզագ խճուղին կրակի ենթակայ է թէ՛ Մարքիզի եւ թէ՛ Քեանուռլի գիրքերից միաժամանակ: Պարզեց, որ թշնամին ունի կանոնաւոր խրամատներ, եւ տեղական աւագակարարոյ կռուողների հետ միասին կային եւ տաճկական ասկեարներ: Մինչեւ գիշեր զօրամասի ձեռքն անցան որոշ գիրքեր, բայց ունեցանք եւ բաւականաչափ վիրաւորներ եւ սպանւածներ: Վերջիններիս թւումն էր նաեւ դարաբաղցի փոխ - գլխապետ Ստեփան Սարգսեանը, որի գրական կեղծանունն էր Ստեսար: Նա անգղուշութիւն ունեցաւ խոյանալու դէպի Քեարաուռլի անառիկ գիրքը եւ թշնամու գնդակը փորին առաւ: Դա ամենամեծ զոհն էր, որ տւինք Ղարաբաղի ազատագրութեան ճամբին, 1918 թւին:

Նոյեմբ. 30-ին Անդրանիկի համար գործնականօրէն պարզեց, որ առանց Մարքիզի գրաման չի կարելի առաջ շարժւել, այլապէս շատերը կը նահատակւին ապաքախտ Ստեսարի նման: Փոքր ինչ

խորհրդակցելուց յետոյ որոշեց, որ ես «պահեստի» ուժերով կենտրոնից անընդհատ կրակ թափեմ Գեարաուզիի ամուր դիրքերի վրա, իսկ քաջ խմբապետ Աղաջան Բալասանեանը տեղացի ձիաւորներով անցնէ Հազարու գետը, աջ թեւին եւ զարնէ թշնամուն, ջնալով մտնել թիկունքը: Զախ թեւից կռիւը շարունակուում էր 'եռանդով' Մարքիզի ուղղութեամբ: Չնայած կենտրոնից բացած ուժգին կրակին, երբ Աղաջանը փորձեց անցնել գետը իր ձիաւորներով, թշնամին նրան անմիջապէս առաւ դժոխային կրակի տակ. հետեւանքն եղաւ այն, որ ձիաւորները նահանջեցին, խմբապետ Աղաջանի ձին սպանեց, իսկ ինքը վիրաւորեց ոտից թեթեւ կերպով. նրա կողքի զինուորն էլ վիրաւորեց...

Այդ դէպքից յետոյ Անդրանիկը ետփունջին քաշեց գլուխը եւ ուղղակի խճուղու կողքին պառկեց հանգստանալու՝ խիստ պատէր տալով լինել աչալուրջ եւ անակնկալի դէպքում անմիջապէս զարթեցնել իրեն: Մարքիզի ուղղութեամբ մեր կռիւը զարգանում էր յաջողութեամբ: Հետեւակ եւ ձիաւոր ուժերը, թէպէտ դանդաղ, հետզհետէ դիմում էին դէպի իշխող գաղաթը, գրաւելով օժանդակ դիրքեր:

Ուղիղ կէսօրին Անդրանիկը մէկէն ոտքի ելաւ եւ պահանջեց իր հաւատարիմ «Ասլան» ձին. շոյեց, համբուրեց ամեհի Ասլանին, որ մանկան պէս հեղ էր նրա հանդէպ, իսկ առիւծ էր կտրում ուրիշների մօտենալիս: Անդրանիկը նստեց ձին եւ սլացաւ դէպի Մարքիզ. հաւատարիմ քաջերը հաղիւ կարողացան հեծնել իրենց ձիերը եւ հետեւել նրան:

Հրաշալի էր Անդրանիկի վերելքը դէպի Մարքիզ: Թշնամին պարզ նկատեց թէ ո՛վ է եկողը, եւ ջղայնացած գնդակների կարկուտ տեղաց նրա վրա, սակայն քաջասիրտ եւ խիզախ երիվարը իր նոյնքան քաջորդի հեծեալով շարունակ դիմում էր դէպի վեր: Տղաներն իրենց դիրքերից դռացին՝ «Փաշան գալիս է, փաշան գալիս է», եւ մէկ էլ լսեցին դուռ հուռուտները: Ձինուորներն իրենց դիրքերից մէկէն պոկեցին եւ փոթորկի պէս սլացան դէպի Մարքիզ: Մի քանի րոպէից յետոյ Մարքիզ լերան գաղաթին ծածանեց մեր կարմիր դրօշակը: Յետոյ մերոնք գրաւեցին համանուն Մարքիզ կամ Մարքեազ դիւղը, այդ չըջանի արինարբունների որջը:

Մարքիզ սարից մեր ուժերն առաջ շարժւելով՝ գրաւեցին Սուսը եւ Ձէյվան, իսկ ձիաւորների երկրորդ հարիւրեակը ձախ թեւի կողմից անցաւ Հազարի կամուրջը, մտաւ Աւդալլար առանց դիմադրութեան: Աւդալլարի գրաւումով չէզոքանում էր Գեարաուզիի ա-

նառիկ դիրքը, քանի որ Աւդալլարից անարգել կարելի էր բարձրանալ Ղարաղչլաղի բարձունքը, ապա անցնել Թթու — Զուրը եւ Շուշի: Հայերի յաղթանակն անսպասելի էր թուրքերի համար, ուստի Հազարիի ձորն ի վայր սկսեց խուճապահար փախուստը. թուրք բընակիչները ձիերի, էջերի եւ եղջերի վրա բեռնած իրենց ունեցածը՝ չտապում էին հեռանալ այն վայրերից, ուր հարիւր տարուց ի վեր բնակւում էին: Մէկ անգամ էլ այդպէս դրանց պապերին, քչել էին Դաւիթ Բէկի եւ Աւան Իւղբաշու քաջարի զիւցաղները, սակայն ուսսական տիրապետութեան օրով նրանք յետ էին եկել Նուխու եւ Արէշի կողմերից:

Այդ յաղթանակից յետոյ ամենքս սրտատրոփ սպասում էինք հրամանի, որ շարժւենք դէպի Մելիքների հայրենիքը, բայց, դժբախտաբար, լուր բերին, թէ Հարաւ դիւղի վրայով Կոռինձոր է եկել մի սուրհանդակ, որ հեռագիր է բերել զօրավար Անդրանիկի անունով՝ Բագուի անդլիական հրամանատարից եւ մի ուրիշ հեռագիր էլ Ազրբէյջանի նախարարապետ Խան Խոյսկուց: Անդլիական զօրավարը հեռագրում էր Անդրանիկին եւ Շուշու հայկական ուժերի հրամանատարին, որ առաջխաղացութիւնը դադրեցնեն, քանի որ խաղաղութիւնը կնքւած է: Իսկ Խան Խոյսկին հեռագրում էր Շուշու ընդհանուր նահանգապետին, քաղաքապետին, Ազդարին Խորհրդին եւ հայկական զինւորական հրամանատարին, որ անդլիական զօրավարի հեռագիրը անյապաղ հասցնեն Անդրանիկին:

Շուշու մեր ընկերները, տեղւոյն կառավարութեան նախկին անդամները, Վարանդայի հրամանատար Սոկրատ Բէկը, ո՛չ թէ միայն ոչնչով չնպաստեցին մեր յառաջխաղացմանը, այլ եւ գոնէ չուչացրին չարաբաստիկ հեռագիրը, որ մեր զօրամասը հասնէր Թթու — Զուր եւ Շուշի...

Անդլիական զօրավարի ո՛չ անունը կար եւ ոչ էլ ստորագրութիւնը, ուստի մեր մէջ կասկած ծագեց, որ թուրքերը կարող են խորամանկութեան դիմած լինել: Եթէ անդլիական զօրավարը ցանկանում էր Անդրանիկին մի բան հաղորդել, մի՞թէ չէր կարող հաղորդագրութիւնը հասցնել ուղիղ ձամբով եւ պաշտօնական ներկայացուցչի ձեռքով եւ ո՛չ թէ ծերուկ միականի Հարար դիւղացու միջոցով . . . Անդրանիկը սկզբում համամիտ եղաւ մեզ եւ որոշեց պատասխանել անդլիական զօրավարին՝ կասկած յայտնելով եկած հեռագրի վաւերականութեան մասին եւ յիշատակեց այն պատճառները, որոնց հիման վրա ինքը դիմում էր դէպի Շուշի: Ազրբէյջանը տաճկական ուժերի ներկայութիւնից քաջալերւած գրաւել էր Շուշին, տաճիկների

հետ միասին. նրանք բանտարկել էին հայ մտաւորականներին, ժողովրդին ճնշել էին եւ հայ ճամբորդներին հարիւրներով սպանել, զէնքերը խլել եւ այլն, որով սպառնում էին հայկական Ղարաբաղի գոյութեանը: Անդրանիկը թէպէտ տատանում էր, բայց պատասխանը նոյն ճամբով ուղարկեց: Ամենքս շտապում էինք միւս առաւօտեան, անցնելու դէպի Ղարաղլաղ, երբ դեկտ. 2-ի առաւօտեան լուր հասաւ, թէ խճուղու վրայով դէպի Աւզալլար է գալիս սպիտակ դրօշակ պարզած մի ինքնաշարժ: Լուր տրւեց կամուրջը պահող զինւորներին, որ թոյլ տան առաջ անցնել: Հետեւակ եւ ձիաւոր մէկական վաշտեր զինւորական բարեւ տւին եկող սպաններին:

Եկողները Դաշնակից պետութիւնների սպաներիցն էին՝ անգլիական կապիտան Սքուար եւ ֆրանսական կապիտան Գասֆելդ, որոնք բերել էին զօրավար Տոմսոնի նամակը:

Թ.

ԶԻՆԱԴԱԴԱՐ

Դաշնակից սպաները, պարզեցին քաղաքական մութ մնացած կէտերը եւ Դաշնակից պետութիւնների յաղթութեան մանրամասնութիւնները:

Սպաների հետ եկած երրորդ անձնաւորութիւնը Հ. Յ. Դ. Ապառաժի Կենտր. Կոմիտէի մի նամակը յանձնեց Անդրանիկին: Այդ նամակի մէջ ընկերները պարզելով համառօտ կերպով քաղաքական աշխարհի անցուղարձերը՝ շեշտում էին, որ անգլիացիք մտադրութիւն ունին Լեւոնային Ղարաբաղը Զանգեզուրի հետ միասին կցելու Ադրբէջանին, որպէսզի նրան ուժ տան ընդդէմ բոլշեւիկեան արշաւանքին, որ վաղ թէ ուշ պէտք է տեղի ունենայ դէպի Անդրկովկաս: Ընկերները թախանձանօք խնդրում էին որ փաշան կանգ չառնէ եւ մտնէ Շուշի, այդպիսով կատարւած փաստի առաջ դնելով Դաշնակիցներին եւ Մուսաւաթին: Բայց, զժրախտաբար, այլեւս ուշ էր, Անդրանիկը այդ վճռականութիւնը չունեցաւ, եւ Ղարաբաղը հետագային ստիպւած եղաւ դառնութեան բաժակը քամել մինչեւ վերջին մրուրը:

Դեկտ. 3-ին, տրւելիք պատասխանը՝ նամակներն ու տեղեկագրերը պատրաստ էին, եւ զօրավար Տոմսոնի ներկայացուցիչները պէտք է մեկնէին: Կոիւր դադրած էր ամենուրեք: Զօրքի մեծ մասը պատուի էր կանգնած մեծաշուք հիւրերի համար: Հեռանալուց առաջ դաշնակից սպաները աչքէ անցուցին Անդրանիկի քաջերին: Զօրավարը գնահատեց իր զինւորներին հիւրերի առաջ. նա առաց, որ իր զին-

ւորները երկար տարիներ չարչարւել են, զրկանքներ կրել, որպէսզի հասնեն այն օրին, որ եկել է արդէն. դա դաշնակիցների իրաւունքների եւ ազատութեան յաղթանակի օրն է: Շնորհակալութիւն յայտնեց Դաշնակիցներին, որոնք եկան դտան իրենց փոքր, բայց անկեղծ դաշնակցին, այսինքն՝ Անդրանիկին եւ նրա զօրամասին:

Հիւրերը մեկնեցին զիւ հուռտաների ներքոյ: Անդրանիկը մի հեռագիր ուղարկեց Ազգային Պատւիրակութեան նախագահ Պօղոս Նուբար փաշային եւ յայտնելով նրան տաճկահայ զաղթականների թըլւառութիւնը՝ խնդրեց ժամ առաջ օգնութեան հասնել: Ձանգեզուրի Ազգային Խորհրդի երկու ներկայացուցիչները՝ Արշակ Շիրինեանը եւ Նիկողայ Յովսէփեանը մի շարք խնդիրներ լուսարանելու համար վերոյիշեալ սպանների հետ մեկնեցին նախ Շուշի, ապա Բագու: Դաշնակից սպանները ճանապարհւելուց առաջ կարգադրեցին, որ Անդրանիկը մնայ իր տեղում, ոչ յետ գնայ եւ ոչ էլ առաջ արշաւէ, այլ իր զօրամասով պահէ Հաղարից դէսը, Ձանգեզուրը, որ համարւում է Հայաստանի մասը: Անդրանիկն առաջարկեց որ իրեն թոյլ տան խաղաղ կերպով մտնելու Շուշի կամ Նախիջևեան, որտեղ կան զօրանոցներ, քանի որ Գորիսում չկան յարմար շինութիւններ զօրքի ձմեռելու համար: Սպանները խոստացան այդ խնդիր — առաջարկը լուծել տան օրւայ ընթացքում:

Տեղական ղեկավարը հաստատուն հողի վրա դնելու եւ մի շարք դաւառական խնդիրներ լուծելու համար՝ Ձանգեզուրի Ազգային Խորհրդի նախագահ Ժիշկ Մ. Պարոնեանի գլխաւորութեամբ մի պատւիրակութիւն դնաց տեսակցելու Հաջի Սամուելի Սուլթան Բէկ Սուլթանովի հետ, որ քիւրտ — թաթարների պարագլուխն էր: Վերջինս հայերի կողմից առաջարկւած բոլոր պայմաններին համաձայնւում է. թուրքերի եւ քրդերի տրամադրութիւնը խիստ ընկճւած էր, քանի որ ո՛չ թէ միայն Անդրանիկի զօրամասն էր նրան նեղել, այլ եւ Ղարաբաղի Խաչեն գաւառի հայութիւնը յարձակւել էր Պիճանիսի ուղղութեամբ, որ Հաջի Սամուելի կենտրոնն է, իսկ Դիզակի զինւած ուժերն էլ ռազմական ցոյց էին արել Քիլիսի շրջանում, այնպէս որ եթէ Անդրանիկի արշաւանքը կատարւէր ժամանակին եւ Դաշնակիցների անակնկալ միջամտութիւնը չլինէր, Շուշին, ապա եւ հայկական Լեռնային Ղարաբաղն անպայման կցւած կը լինէին Հայաստանին, Ձանգեզուրի հետ միասին:

Զօրամասը յետ քաշւեց Տեղ՝ դեկտ. 4-ին, իսկ դեկտ. 5-ին յաղթական ընդունելութեամբ կրկին մտաւ Գորիս: Տեղի ունեցաւ զինւորների մասնաւոր ցրում դէպի Սիսիան ու Դարալագեազ: Դեկտ.

20-ին, վերջապէս, լուր հասաւ, թէ Ազգային Խորհրդի անդամները անգլիացի ներկայացուցիչներին հետ հասել են Տեղ, որտեղից գիշերով Արշ. Շիրինեանը եկաւ Գորիս եւ հաղորդեց, թէ հրահանգւած է Անդրանիկին իր զօրամասով մնալու Զանգեզուրում:

Դեկտ. 21-ին, կէսօրից յետոյ, ժողովուրդը հաւաքւած քաղաքագլխի առաջնորդութեամբ աղ ու հաց մատուցեց անգլիացի ներկայացուցչին: Զօրքը շարւած էր քաղաքի հրապարակում եւ երեք մեծ դրօշակներ ծածանւում էին մուտքին՝ անգլիականը, զօրամասինը եւ ռուսականը: Ընդունելութիւնը տպաւորիչ էր եւ խանդավառ: Եկողներն էին՝ անգլիացի մայոր Գիբոնը, որ միջահասակ եւ խոհուն մարդ էր, ապա անգլիացի գլխապետ Սերայտը: Կային եւ երկու ուրիշ ներկայացուցիչներ, մէկը թուրքերի կողմից՝ Աբդուլ-Փաթհ բէկ Հասանբէկով, իսկ Բազուի Հայոց Ազգային Խորհրդի կողմից՝ Զիլինգարեան Գուրգէն:

Դեկտ. 22-ին երեկոյեան անգլիացի հիւրերի հետ միասին տեղական կարեւոր գործիչներ ճաշի հրաւիրեցին Անդրանիկի մօտ: Սեղանապետն էր հանգուցեալ Նիկոլայ Յովսէփեանը (Զանգեզուրի Բիսմարկ մականունով), իր համբաւած հռետորական ընդունակութիւններով. նա ճառում էր հայերէն, թուրքերէն եւ ռուսերէն: Բաժակաճառերը թարգմանում էին անգլիերէն: Խմեցին Դաշնակիցների, նրանց յաղթական բանակների, ներկայ դռնուղ ներկայացուցիչների, հիւրերի եւ կարեւոր գործիչների կենացը, դրատելով նրանց հասարակական արժանիքները: Մեծ խանդավառութեամբ խմւեց մանաւանդ Անդրանիկի կենացը, որին Նիկոլայ Յովսէփեանը կոչեց Զանգեզուրի փրկիչ: Ընթրիքից յետոյ տեղի ունեցաւ սաշտօնական տեսակցութիւն: Մայոր Գիբոնը յայտնեց իր առաքելութեան նպատակը: Տեսնելով որ թէ՛ զօրամասը եւ թէ՛ շրջանի ազգաբնակչութիւնը, մանաւանդ տաճկահայ եւ Նախիջեւանի գաղթականութիւնը ուտեստի մեծ կարիք ունեն, նա որոշեց միւս օրն եւ եթ Շուշու վերայով Բազու ճամբել կապիտան Սերայտին, որպէսզի կենսամթերքներ հասցնէ Զանգեզուր:

Այնուհետեւ պարզեց, որ մայոր Գիբոնի զբաղմունքի խնդիրներն են լինելու՝ ա) Բաց անել եւ ապահովել ճամբաները դէպի Շուշի - Գորիս - Ղափան, թէ՛ մարդանց եւ թէ՛ ապրանքների ազատ փոխադրութեան համար. բ) Գծել ազդեցութեան շրջանակ Անդրանիկի իշխանութեան եւ Ադրբէջանի միջեւ, որպէսզի իւրաքանչիւր շրջանի մէջ կատարւած անկարգութեան համար պատասխանատու լինի համապատասխան տիրապետողը. որոշեց որ Զարուդ - Հազարի գծից

դէնը պատասխանատու լինին թուրքերը, իսկ Զաբուղից դէսը Զանգեզուր, Ղափան եւ Սիսիան չըջանների համար Անդրանիկը, որպէս այդ չըջանների դիկտատորը եւ իրական ուժերի հրամանատարը: Անդրանիկը պէտք է պահէր կարգը եւ ապահով դարձնէր իր չըջաններում գտնուող զաղթականութեան համար ուտեստեղէնի փոխադրութիւնը:

Բոլոր կէտերի շուրջը համաձայնութեան եկան մայր Գիւրոնի հետ թէ՛ Անդրանիկը եւ թէ՛ թուրք ներկայացուցիչը՝ միայն Շուշի քաղաքի հարցը առկախ մնաց, որովհետեւ թէ՛ Անդրանիկը եւ թէ՛ մանաւանդ նրան չըջապատողները գտնում էին, որ Զանգեզուր – Ղարաբաղ – Գանձակի (լեռնային) հայութիւնը, մօտ 300,000, չի կարող ենթարկւել Ադրբէջանի իշխանութեանը՝ Շուշի քաղաք 15 հազար թրքութեան եւ Հաջի Սամլուի ու Քեալքաշարի 20,000 քիւրդ – թաթար տարրերի պատճառով, որոնք ցցւել էին հայաշատ գաւառների կենտրոնում: Պնդում էին, որ Ադրբէջանը կարող է իշխել միայն Ասկերանից դէնը Աղդամի վրայով մինչեւ Եւլախ – Բազու: Ի պատիւ Անդրանիկի, պէտք է ասել, որ նա պաշտօնապէս յայտնեց այդ միտքը, թէ չի կարող օրինաւոր համարել 300,000 հայութեան ենթարկւելը Ադրբէջանին 35 – 40,000 թաթարների պատճառով, եւ թէ Ղարաբաղի ժողովրդի կամքն է կցւել Զանգեզուրի հետ միասին անկախ Հայաստանին, եւ թէ, վերջապէս, Ադրբէջանը չի կարողացել ընկճել մարտնչող Ղարաբաղի հայութիւնը, բացառութեամբ Շուշի քաղաքի, որին տիրել էր ո՛չ թէ Ադրբէջանը, այլ Թիւրքիան, որ այժմ ջախջախւած է: Այդ կնճռոտ խնդրի լուծման մասին մայր Գիւրոնը խոստացաւ բոլոր տեսակի առարկութիւնները ներկայացնել ուր հարկին է: Միաժամանակ յայտնեց, որ զօրամասը պէտք է մնայ Զանգեզուրի չըջանում մինչեւ 1919 թ. մայիս ամիսը եւ այդքան ժամանակ Դաշնակից պետութիւնները հոգալու են զօրամասի կարիքները. կազմեց զօրամասի վեց ամսւայ նախահաշիւը եւ ցանկն այն մթերքների, որոնց կարիքը շատ զգալի էր չըջանում:

Դեկտ. 23-ին Անդրանիկը նախ քան համաձայնութիւն տալը մինչեւ մայիս մնալու Զանգեզուրում, որոշեց իմանալ իրեն ենթակայ զօրքի եւ հրամանատարական կազմի կարծիքն այդ մասին: Տեղի ունեցաւ ժողով, որ եկաւ այն եզրակացութեան, թէ անհնար է զօրամասը պահել Զանգեզուրի չըջանում մինչեւ մայիս, քանի որ նախ ազգաբնակչութիւնը ի վիճակի չէ հայթայթելու զօրամասի զինւորներին եւ ձիերի անհրաժեշտ ուտեստը. երկրորդ՝ չըջանը զինւորների ձմեռելու համար չունի յարմար շէնքեր եւ այլ յարմարութիւն-

ներ. երրորդ՝ զինուորներից շատերը ցանկանում են գնալ եւ փնտռել իենց հարազատներին. չորրորդ՝ զօրամասի զինուորները այդքան ժամանակ պէտք է կատարեն ոստիկանական դեր, որ այնքան էլ հաճելի չէ կռուող զօրքի համար: Զօրամասը գտաւ, որ ինքը պէտք է չարժւի Երեւանի կողմը եւ դրա համար պէտք է բացւի Նախիջևանի ճանապարհը, որպէսզի զօրքը Սխիանից 17,000 նախիջևանցի հայ զաղթականութեան հետ միասին իջնէ դաշտը եւ տեղաւորւի իր նախկին բնակավայրերում, իսկ զօրքը կը մնայ Նախիջևան քաղաքի ոռոսական նախկին զօրանոցներում. հակառակ դէպքում, զաղթականութիւնը (Նախիջևանի) սովից կը փշանայ Սխիանի շրջանում: Առաջարկ եղաւ, որ զօրամասը կարող է ձմեռը մնալ եւ Խանքենդի (այժմ Ստեփանակերտ), ուր ամէն յարմարութիւն կայ՝ զօրանոցներ, հրաշալի օդ եւ աննման ջուր...

Ժ.

ԶՕՐԱՅՐՈՒՄ

Դեկտ. 24-ին մայր Գիրքնը մեկնում է Շուշի, որպէսզի այնտեղից հեռագրով հաղորդի Անդրանիկի եւ նրա զօրամասի առաջարկները: Մայր Գիրքնի հետ Շուշի է անցնում եւ հարեաժող զօրամասի բժիշկ Ռուբէն Տէր - Ստեփանեանը, որ խօսում էր անգլիերէն եւ Փրանսերէն: Նոյն օրը Շուշի են մեկնում եւ Շուշու եւ Գանձակի գընդերի մնացորդ զինուորները, այլ եւ Զանգեզուրում փախած դարաբաղցի մասնաւոր անհատները, թւով 400 հոգի: Մայր Գիրքնը սկզբում չէր ուզում թողնել մեզ զինւած անցնելու, միայն 30 - 40 հրացանի իրաւունք էր ուզում տալ, սակայն Անդրանիկի եւ բժշկի բռնն միջամտութեան շնորհիւ, իմանալով որ տարիներ շարունակ մեր զինուորները կուէլ են զիրքերում Դաշնակից պետութիւնների օգտին, զիջեց եւ գրեց անգլիերէն լեզուով թոյլտուութեան գիր, որի մէջ յիշատակւած էր, թէ զրօսվար Անդրանիկի զարաբաղցի զինուորներն են, որոնք խաղաղ կերպով գնում են իրենց տները՝ համաշխարհային պատերազմի վերջանալու առթիւ:

Այնուհետեւ այլեւս ռազմական գործողութիւններ տեղի չունեցան Զանգեզուրում մինչեւ Անդրանիկի այնտեղից դուրս գալը:

Խաղաղութեան շրջան էր. Անդրանիկը մեծ ուշադրութիւն դարձրեց բարեօրէնութիւն թէ՛ զինուորների եւ թէ՛ զաղթականների վիճակը: Առաջին հերթին բաժանեց Բագից զօրավար Բագրատունու միջնորդութեամբ զօրավար Բիչերախովի ուղարկած մէկ միլիոն ուրբիւն:

Այդ գումարից 600,000 ոտւրլի յատկացրեց զաղթականութեան, իսկ 400,000-ը բանակին. իւրաքանչիւր զաղթական ստացաւ 29 ոտւրլի:

Մի կարճ ժամանակում մայր Գիրօնը եւ բժիշկ Ռուբէնը երկար պտոյտ արին. նրանք Բագւից վերադարձան Գորիս, անցան Ղափան, ապա Սիսիանով իջան Նախիջևեան: Քեօլանու մօտ թուրքերը նրանց վրա կրակ բաց արին, բարեբախտաբար, անվնաս: Նախիջևեանում տեղի ունեցած բանակցութիւնները ղրական ելքի չէին յանգել, որովհետեւ թուրքերը յայտարարել էին մայր Գիրօնին, որ թոյլ չեն տայ երբեք, որ այդ չրջանը մտնէ զինւած հայ զաղթականութիւնը. նման պարագային ընդհարումն անխուսափելի կը լինի: Միակ յաջողութիւնը, որ ունեցել էր մայր Գիրօնը, այն էր, որ Երեւանի հայկական կառավարութեան հաշիւն փութը 50 ուով յաջողել էր 10,000 փ. ցորեն գնել: Այնուհետեւ մայրը գնացել էր Երեւան, տեսնել էր հայկական կառավարութեան հետ, անցել էր Թիֆլիզ, ուր ղեկուցել էր Նախիջևեանի ու Երեւանի վիճակի մասին եւ ապա անցել Բագու: Մայր Գիրօնը մնացել էր Բագու, իսկ կապիտան Բօշէրը եկել էր փոխարինելու կապիտան Տաունտսենտին:

Բագւից զօրավար Բագրատունին բժիշկ Ռուբէնի հետ ուղարկել էր հարիւր հատ ուսական Սուրբ Գէորգ զօրավարի խաչեր, որպէսզի Անդրանիկը բաժանէ իր զինւորներից ամենաքաջներին: 1919 թ. փետր. 24-ին, Վարդանանց տօնին, Անդրանիկը անձամբ բաժանեց Գորիսի հրապարակում՝ եկեղեցում հոգեհանգիստ-պատարազը վերջանալուց յետոյ:

Փետր. 25-ին կապիտան Բօշէրը ներկայացաւ Անդրանիկին Գորիսում: Թուրքերը աշխատում էին զօրամասը հեռացնել Զանգեզուրից եւ այն էլ Շուշի - Աղզամ - Եւլախ գծով: Կապիտան Բօշէրը առաջարկեց Անդրանիկին զօրամասով անցնել Եւլախ, բայց, ի հարկէ, Անդրանիկը մերժեց՝ առարկելով թէ կարող է ընդհարում տեղի ունենալ, մի բան, որ ցանկալի չէ խաղաղութեան չրջանում: Բօշէրը ակնարկեց, թէ Դաշնակիցները ճանաչում են կովկասեան հանրապետութիւնները եւ եթէ Աղբրէջանը որ եւ է տեղ պաշտօնեայ նշանակէ, իրենք պարտաւոր են ընդունել եւ օժանդակել նրան: Պարզ էր, որ անդիւսցի կապիտանն ակնարկում էր Ղարաբաղ - Զանգեզուրի կրցման մասին Աղբրէջանին: Ազգային Սորհուրդը եւ Անդրանիկը խորհրդակցելուց յետոյ, կտրուկ պատասխան տուին, թէ Զանգեզուրի մասին խօսք անգամ չի կարող լինել, քանի որ նա զէնքը ձեռին կռուել է տաճիկների եւ թուրքերի դէմ եւ պահպանել է բոլոր ժամանակ իր անկախութիւնը, եւ եթէ որ եւ է նոր փորձ լինի այդ ուղղու-

Թեամբ, դարձեալ ժողովուրդը կը կուէ մինչեւ արեան վերջին կաթիլը: Ինչ վերաբերում է Ղարաբաղին, դա պատմական Արցախն է, Հին Հայաստանի մի նահանգը, որ նոյնպէս կուէլ է զէնքը ձեռին եւ անձնատուր չէ եղել ո՛չ տաճիկներին եւ ոչ էլ թուրքերին, բացի Շուշի քաղաքից, որին տաճիկները տիրել են մօտ երկու ամիս, այն ինչ ընդարձակ հայկական շրջանները՝ Դիզակ, Վարանդա, Խաչեն, Ջրաբերդ եւ Գարդման՝ գլուխ չեն խոնարհել տաճիկա – թրքական ուժերի առաջ, հետեւապէս խոշոր անարդարութիւն կը լինի, եթէ Դաշնակիցները այդ քրիստոնեայ գաւառները կցեն մահմեդական Ադրբեջանին, փոխանակ թոյլ տալու, որ միանան հոգով իրենց հարստատ Հայաստանին:

Մարտ 5-ին մայոր Գիրօնը կրկին անցաւ Շուշու վրայով Գորիս: Դարձեալ առաջարկ արաւ Անդրանիկին զօրամասով անցնել Շուշի – Եւլախ գծով Թիֆլիզ, սակայն Անդրանիկը կրկին մերժեց հետեւեալ պատճառաբանութիւններով: – ա) Զօրամասը իր հետ պիտի փոխադրէ մեծ քանակութեամբ ալիւր ու դարի՝ մինչեւ զօրացրումի կատարումը զօրքը եւ ձիերը կերակրելու համար: բ) Զօրքի ձիերի մեծ մասը զինւորների սեփականութիւնն է եւ շատերը չեն ուզենայ զրկւել իրենց ձիերից, որոնք Հայաստանին եւ իր ժողովուրդին մեծ օգուտ կարող են տալ, այնինչ Եւլախով գնալու պարագային, ձիերը չեն կարող փոխադրւել, հետեւապէս ստիպւած պիտի վաճառեն թուրքերին: գ) Եւլախ գնալու դէպքում պէտք է զինաթափ լինեն, իսկ Երեւան երթալու դէպքում զէնքերը կը մնան հայերին: դ) Եւլախով գնալու պարագային զօրամասի զինւորները ահագին ճանապարհ պիտի անցնեն՝ Երեւան կամ Հայաստանի որ եւ է մասը երթալու համար, քանի որ նրանք անպայման պէտք է աշխատեն այդ շրջաններում փրկուել գտնելու համար իրենց ողջ մնացած ազգականներին: Այս պատճառաբանութիւնները հիման վրա Անդրանիկը յայտնեց մայոր Գիրօնին, որ «հաւանական ընդհարումներից եւս խուսափած լիելու համար, ինչպէս եւ յայտնել են Նախիջեւանի թուրքերը, եւ դուք չէք հարկադրել նրանց, մեր զօրամասը կանցնի Երեւանի շրջանը Դարալազեադի վրայով»:

Մայոր Գիրօնի մեկնելուց առաջ հասնում է զօրավր Տոմսոնի նոր հրահանգը, որով կարգադրում է Անդրանիկի զօրամասին անցնելու Բաթում, ուր պիտի մնայ այնքան ժամանակ, մինչեւ որ հնարաւորութիւն լինի մեկնելու հայրենիք, քանի որ Երեւանում ներկայումս սովին է տիրում: Սակայն, զօրամասի ժողովը կտրուկ կերպով մերժեց այդ առաջարկը եւ հրաժարւեց գնալու Ադդամ – Եւլախ գծով:

ընդ սմին ցանկութիւն յայտնեց որ մայր Գիրքնը զօրամասին ընկերանայ Գորիսից Երեւան գնալիս :

Լեռնահայաստանի կաշկանդող ձմեռն էր : Խիտ ձիւնով ծածկել էին ձորերն ու սարերը , մանաւանդ Սիսիան — Դարալաղեազ սահմանադժի վրա : Գորիսի Աղգային Խորհրդի անդամ Ա. Շիրինեանը , որ կրկին Երեւան էր գնացել եւ վերադառնում էր Զանգեզուր՝ հայկական կառավարութեան կողմից նշանակւած Զանգեզուրի նահանգապետ Արսէն Շահմաղեանի հետ միասին , մնացել էր Դարալաղեազում փակւած եւ սպասում էր ճամբաների բացւելուն : Շատ մեծ դժարութիւններ կրելով , տեղ տեղ արհեստական միջոցներով ճանապարհ բանալով , նրանք , վերջապէս , հասան Գորիս եւ սկսեցին կազմակերպել տեղական միլիցիան եւ ինքնապաշտպանութիւնը , քանի որ հարւածող Զօրամասը պէտք է հեռանար , իսկ Ադրբէջանը չէր հրաժարւում իր յաւակնութիւններից :

Մարտ 18-ին մայր Գիրքնը դարձեալ Գորիս ժամանեց , որպէսզի այս անգամ ընկերանայ զօրամասին դէպի Արարատեան աշխարհ , իսկ լիէութնանտ Հառէլսը պէտք է մնար Սիսիանում՝ պաշտպանելու գաղթականներին :

Մարտ 22-ին Գորիսի Քաղաքագլխի տանը ողջերթի ճաշկերոյթ սարքեց քաղաքի կողմից . ներկայ դռնեցին Անդրանիկը , Աղգային Խորհուրդը լրիւ կազմով , քաղաքի ընտրւած ներկայացուցիչները , մայր Գիրքնը , նահանգապետ Ա. Շահմաղեանը եւ ուրիշներ : Քաղաքը պաշտօնապէս ողջերթ եւ յաջողութիւն մաղթեց Անդրանիկին եւ երախտապարտութիւն յայտնեց նրան , որ իր ներկայութեամբ աղատեց շրջանը եւ քաղաքը տաճկա — թրքական տիրապետութիւնից :

Անդրանիկը իր հրաժեշտի խօսքի մէջ շեշտեց , ի միջի այլոց , որ ինքը հաւատացած է , թէ Դաշնակիցները եւ Զանգեզուրի հայ ժողովուրդը թոյլ չեն ատյ երբեք , որ թուրքը մուտք ունենայ իրենց երկրամասի մէջ : Ժողովուրդը վերջին հրաժեշտը տւաւ իր պաշտած հերոսին , որ մարտ 25-ին բարձրացաւ Գորիսի դուռը , որտեղից հրացանների զւարթ համազարկի որոտով մնաք բարով ասաց Գորիսին եւ ողջ Զանգեզուրին . . . :

Թարիգ

(Վերջ)

